



830680

定盦續集

卷三

己亥六月重過揚州記

居禮曹客有過者曰卿知今日之揚州乎讀鮑昭蕪城賦則遇之矣余悲其言明年乞假南游抵揚州屬有告羅謙舍舟而館既宿循館之東牆步游得小橋俛溪溪聲謹過橋遇女牆齧可登者登之揚州三十里首尾屈折高下見曉雨沐屋瓦鱗鱗然無零發斷壁心已疑禮曹過客言不實矣入市求熟肉市聲謹得內館人以酒一餅蝦一筐餽醉而歌歌宋元長短言樂府俛窗鳴鳴驚對岸女夜起乃止客有請弔蜀岡者舟甚捷簾幕皆文繡疑舟窗蠡殼也審視玻璃五色具舟人時時指南岸曰某園故址也某家酒肆故址也約八九處其實獨倚虹園圯無存

定盦續集卷三

一

曩所信宿之西園門在題榜在尙可識其可登臨者尙八九處早有桂水有芙蓉菱芡是居揚州城外西北隅最高秀南覽江北覽淮江淮數十州縣治無如此治華也憶京師言知有極不然者歸館郡之士皆知余至則大謹有以經義請質難者有發史事見問者有就詢京師近事者有呈所業若文若詩若筆若長短言若雜著若叢書乞爲敘爲題辭者有狀其先世事行乞爲銘者有求書冊子書扇者填委塞戶牖居然嘉慶中故態誰得曰今非承平時邪惟窗外船過夜無笙琶聲卽有之聲不能徹旦然而女子有以梳子華髮爲贅求書者爰以書畫環瑱互通問凡三人淒聲哀豔之氣繚繞於橋亭艦舫間雖澹定是夕魂搖搖不自持余旣信信拏流風捕餘韻烏觀所謂風噪雨嘯颺狄悲鬼神泣者嘉慶末嘗於此和友人宋翔鳳側豔詩聞宋

予

君病存亡弗可知又問其所謂賦詩者不可見引爲恨臥而思
之余齒垂五十矣今昔之慨自然之運古之美人名士富貴壽
考者幾人哉此豈關揚州之盛衰而獨置感慨於江介也哉抑
子賦側豔則老矣甄綜人物蒐輯文獻仍以自任固未老也天
地有四時莫病於酷暑而莫善於初秋澄汰其繁縟淫蒸而與
之爲蕭疏澹蕩冷然瑟瑟而不遽使人有蒼莽寥泲之悲者初
秋也今揚州其初秋也歟予之身世雖乞糶自信不遽死其尙
猶丁初秋也歟作己亥六月重過揚州記

病霖館記

江甯之龍蟠蘇州之鄧尉杭州之西谿皆產霖或曰霖以曲爲
美直則無姿以霖欲爲美正則無景霖以疏爲美密則無態固也
此文人畫士心知其意未可明詔大號以繩天下之霖也又不

定盦續集卷三

二

可以使天下之民斫直剛密鋤正以歿霖病霖爲業以求錢也
霖之歿之疏之曲又非蠢蠢求錢之民能以其智力爲也有以
文人畫士孤癖之隱明告鬻霖者所其正養其芴條刪其密天
其穉枝鋤其直遏其生氣以求重價而江浙之霖皆病文人畫
士之禍之烈至此哉予購三百盆皆病者無一完者既泣之三
日乃誓療之縱之順之毀其盆悉埋於地解其縲縛以五年爲
期必復之全之予本非文人畫士甘受詬厲闕病霖之館以貶
之烏平安得使予多暇日又多閒田以廣貯江甯杭州蘇州之
病霖窮予生之光陰以療梅也哉

長短言自敘

情之爲物也亦嘗有意乎鋤之矣鋤之不能而反宥之宥之不
已而反尊之龔子之爲長短言何爲者邪其殆尊情者邪情孰

爲尊無住爲尊無寄爲尊無境而有境爲尊無指而有指爲尊
無哀樂而有哀樂爲尊情孰爲暢暢於聲音聲音如何消晉以
終之如之何其消晉以終之曰先小咽之乃小飛之又大挫之
乃大飛之始孤盤之悶悶以柔之空闊以縱游之而極於哀哀
而極於晉則散矣畢矣人之閒居也怡然以和頑然以無恩仇
聞是聲也忽然而起非樂非怨上九天九淵將使巫求之而
卒不自喻其所以然疇昔之年凡子求爲聲音之眇蓋如是是
非欲尊情者邪且惟其尊之是以爲宥情之書一通且惟其宥
之是以五十年鋤之而卒不克請問之是聲音之所引如何則
曰悲哉予豈不自知凡聲音之性引而上者爲道引而下者非
道引而之於旦陽者爲道引而之於莫夜者非道道則有出離
之樂非道則有沈淪陷溺之患雖曰無住子之住也大矣雖曰
無寄子之寄也將不出矣然則昔之年爲此長短言也何爲今
之年敘之又何爲曰爰書而已矣

定盦續集卷三

三

高周彝器文錄敘

羽琖山民曰商器文但象形指事而已周器文乃備六書乃有
屬辭周公說孔氏之間佚與籀之間其有通六書屬文辭載鍾
鼎者皆雅材也又皆貴而有祿者也制器能銘居九能之一其
人皆中大夫之材者也凡古文可以補今許慎書之闕其韻可
以補雅頌之隙其事可以補春秋之隙其禮可以補逸禮其官
位氏族可以補世本之隙其言可以補七十子大義之隙三代
以上無文章之士而有羣史之官羣史之官之職以文字刻之
宗彝大氏爲有土之孝孫使視版告孝慈之言文章亦莫大乎
是是又宜爲文章家祖其及五百名者有習鼎六百名者有西

宮裏父盤則與周書七十一篇相出入矣摹其篆文以今字錄之如孔安國治尚書以今文讀讀古文也

昇平分類讀史雅詩自敘

語云人日戴天而不知天之高其今之士民耶蓋相與世之游乎廓然大順若寒暑晝夜而不知

歷聖實生我也鞠我也等百世之王難比仁也意士不談史之過邪史之百王仁不仁之差大端有三視其賦視其刑視其役而已矣

本朝自

聖祖之年屢問所以損上益下者

世宗初遂用怡賢親王言減蘇松一道地丁銀四十五萬兩南昌一道地丁銀十七萬兩乾隆二年又減江浙兩省地丁銀二

定齋續集卷三

四

十萬兩減明賦十之四東南天下華然而所食於東南者止此矣獨粟米漕東南乾隆朝凡蠲七省漕米者三普蠲天下地丁銀者亦三史所未有且地丁者丁統於地非計丁而出賦也有漕省并地丁計爲什一無漕省只計地丁尙未及三分之一雖稱玉食萬方而所食於一千四百五十一州縣者又止此矣

此

本朝之賦

本朝死刑別二等曰情實曰緩決又有情實而不

予勾者勾囚之日

皇帝賜漢大學士一人坐一一商權之講官科道皆侍先期由有司詳部臣核定又有九卿會議簽商有刑部簽商蓋自有司初定讞以至於

子勾中間更心目十數更手百數仕者罪至死子孫應試入仕
如故此

本朝之刑中外一家無漢唐戍邊塞之民而一切城工河防以
及

內廷營造

行在所幸治趕道皆雇民給直

國家雖費帑巨萬民不知知受雇而已至於南河

國家痔漏所費者國之帑金也所救者民之田廬也似宜藉民
力乃役夫歲數百萬無空役者是故

本朝絕無力役之事史之百王其酷虐無道生人丁其隕者不
必徵也平世中主亦不屑與度也請徵三王三王且什一况其
降乎酒誥之殺濫甫刑之條繁漢文雖除肉刑矣而夷人之三

定僉續集卷三

五

族何足數也况其降乎三王於農隙使民用民力歲三日况其
降乎至其鼎鑊礎質夷三族之刑士大夫妻女發樂籍之刑言
官受廷杖下鎮撫司獄之刑計口出錢髻靴皆算算及車船牛
馬之賦治宮室築城戍邊盡閭左以發之之力役二百年之民
或甚以古事駭然不信曰史豈有是邪而古者日日習之若寒
暑晝夜彼非圓頂方趾父母所生之民邪非今之士民之先祖
邪何其慘也昇平分類讀史雅詩一卷十有五篇內閣中書仁
和龔自珍之所造也自珍自言曰今之世有窮陬荒濱鄉鄙鼠
壤悍頑扇亂而自外於天地父母者間歲上聞爲肢未憂謂宜
有文臣毋先知覺後知之義作爲歌詩而使相與弦歌其閒詩
之義貴易知也犯上作亂之民必有自搏顙泣者必有投械而
起仰視

聖清千萬年俛祝雲祚之游其世者擇言而興不避在位
千祿新書目錄

敘曰凡貢士中禮部試乃

殿試

殿試

皇帝親策之簡八重臣讀其言

皇帝制曰無隱直言朕將采擇又曰朕將親覽焉入人者則朝
服北面三跪九叩頭率貢士亦三跪九叩頭就位有虔旣試入
人者則恭遜其頌揚平仄如式楷法尤光緻者十卷呈

皇帝覽

皇帝宣十人見翼日鑾儀衛陳法駕和聲署設樂

皇帝升太和殿貢士畢見前三人

定盦續集卷三

六

賜進士及第冠服由

午門中道出乃出自

端門

天安門皆當馳道

賜宴禮部如故事先

殿試旬日爲覆試遜楷法如之

殿試後五日或六日七日爲

朝考遜楷法如之三試皆高列乃

授翰林院官

本朝宰輔必由翰林院官卿貳及封圻大臣由翰林者大半其
非翰林官以值軍機處爲榮選軍機處之職有軍事則佐

上運籌決勝無事則備

顧問

祖

宗掌故以出內命者也保送軍機處有考試其遴楷法如之京朝官由進士者例得考差考差入選則乘輅車衡天下之文章考差有闕卷大臣遴楷法亦如之部院官例許保送御史御史主言朝廷是非百姓疾苦及天下所不便事者也保送後有考試考試有闕卷大臣其遴楷法亦如之龔自珍中禮部試

殿上三試三不及格不入翰林考軍機處不入直考差未嘗乘輅車乃退自訟著書自糾凡論選穎之法十有二論磨墨膏筆之法五論器具五論點畫波磔之病百有二十論架篝之病二十有二論行間之病二十有四論神勢三論氣稟七既成命之曰干祿新書以私子孫時道光十有四年內閣中書龔自珍謹

定齋續集卷三

七

敘

錢吏部遺集敘

錢吏部枚卒且八年遺詩始寫定是爲辛未歲越丁丑錢廷烺走訪龔自珍海上屬之曰先人詩出又七年未有最錄之言將惟天下善言文章之情者是屬自珍悄然不能辭乃滌筆而俯曰今天子始親政之歲舉己未科會試主者大興朱文正公榜出省貢士之選於經雄於辭者雅治一藝者畢在可八九十人而吾浙二十一一人其以文采妙當世者諱諱以十數媿矣哉先若後未之間也君實以是科成進士氣文而身頗黜然思謨然清彷彿如有思諸君先後躋九萬里之上君意善感慨又清貧甚浮湛卒文正慨歎杭州以爲失方聞士詩十卷無鬻濁俚竄俶詭之言如坐杭州山水閒重山二湖孔翠鸞之屬往來鳴歎

天清日沈風起卉木泠冷乎琴筑語而竿笙鳴是其可狀者也
小樂府一卷幽宵而情深言古今所難言疑澀於口而聲音益
飛殆不可狀前哲有言古今情之至者樂器不能傳文士不能
狀意者然乎嗟嗟感前修之易淪陔華士而踵起名滿天下才
齊於命情又嗇於才是集也宜吾微吟焉寂聽焉低徊獨抱焉
弗可已矣

江左小辨敘

江左小辨二卷失撰者姓氏有明中葉嘉靖及萬曆之世朝政
不綱而江左承平斗米七錢士大夫多暇日以科名歸養望者
風氣淵雅其故家巨族謹系多聞人或劄一書或刻一帖其小
小異同小小源流動成掌故使倥偬拮据朝野騷然之世聞其
逸事而慕之攬其片楮而芳香惻悻俗士耳食徒見明中葉氣
運不振以爲衰世無足畱意其實爾時優伶之見聞商賈之氣
習有後世士大夫所必不能攀躋者不賢識其小者明史氏之
旁支也夫爲此辨者其江左之後辨也夫吁

江子屏所著書敘

嘉慶中揚州有雄駿君子曰江先生以布衣爲掌故宗且二十
年使仁和翼自珍條其撰述大旨以詔來世自珍徑求之縱橫
側求之又求其有所不言者而皆中律令其殺也爲易也其詳
也則春秋感恩父恩王父之誼海陬小生瞪目哆頤敢問九流
最目之言夥矣子胡張江先生之口書且子所謂律令誰之爲
之也作而告之曰聖人之所爲也傳不云乎三王之道若循環
聖者因其所生據之世而有作是故易廢連山歸藏誦詩三百
而周詩什九春秋質文異家禮從周皆是誼也孔子沒儒者之

宗孔氏治六經術其術亦如循環孔門之道尊德性道問學二
大端而已矣二端之初不相非而相用靳同所歸識其初又總
其歸代不數人或數代一人其餘則規世運爲法入我

朝儒術博矣然其運實爲道問學自乾隆初元來儒術而不道
問學所服習非問學所討論非問學比之生文家而爲質家之
言非律令小生改容爲聞敢問問學優於尊德性乎曰否否是
有文無質也是因迭起而欲偏絕也聖人之道有制度名物以
爲之表有窮理盡性以爲之裏有詰訓實事以爲之跡有知來
藏往以爲之神謂學盡於是是聖人有博無約有文章而無性
與天道也端木子之言謂之何曰然則胡爲其特張問學得無
子之徇於運歟曰否否始卒具舉聖者之事也餘則問學以爲
之階夫性道可以驟聞歟抑可以空枵懸揣而謂之有聞歟欲

定齋續集卷三

九

聞性道自文章始有後哲大人起建萬石之鍾擊之以大椎必
兩進之兩退之南面而擣之褫之予之不以文家廢質家不用
質家廢文家長弟其序臚以聽命謂之存三統之律令江先生
布衣非其任矣曰江先生之爲書與其甄綜之才何如曰能進
之能退之如南面而擣之如褫之予之曰謂言江先生平生曰
生於典籍之區少爲方聞士乾隆朝佐當道治四庫七閣之事
於乾隆名公卿老師宿儒畢下上齟齬萬聞于賄既老勒成是
書窺氣運之大原孤神明以突往義顯故可以縱橫而側求詞
高故可以無文字而求今夫海不有萬怪不能以一波今夫岳
不有萬怪不能以一石飲海之一蠡涉塼之一石如見全海岳
焉甃瓦之所積墜茨之所飾風雨乍至尺青寸紅紛然流離才
破碎也江先生異是曰敬聞教矣古之學聖人者著書中律令

吾子所謂代不數人數代一人敢問誰氏也曰漢司馬子長氏劉子政氏江先生書曰

國朝經學師承記者如千卷遷之例其曰

國朝經師經義目錄如千卷向之例小生降階曰有是夫雖墮也猶得峯裳中原於我乎親命之

袁通長短言敘

錢唐袁通長短言六卷今夫閨房之思褻裾之言以陰氣爲倪以怨爲軌以恨爲旃以無如何爲歸墟吾方知之矣若其聲音之道體裁之本短言之欲其烈長言之欲其淫喬莊言之欲其思諠言之欲其不信謬言之欲其來無所從去又無所至也怪哉使我曼聲吟獻壽命訖而不知厭招我魂於上九天九淵旬日而不可返泊然止寂寥兮無讚於先王而豈徒調夔牙之

定齋續集卷三

十

一韻割騷之一乘也哉卒無如何命筆爲之敘

上海張青瑠文集敘

嘉慶二十一年治河方畧館移內閣借順治朝及康熙初紅本備攷核館不戒於火紅本焜嗣是內閣求順治典故難二十五年龔自珍筮仕得內閣中書求順治前輩文章於江南上海縣李家得張宸所爲文集三十卷中書述一篇其所述與今大異其高論今日益難施行內閣應官文章三十餘篇其哀冊文一類甚哀異雜事記五篇述所見當日儀官未定之事可以廣異聞其他文章出於陳子龍吳偉業之間同時三吳以東跨婁越泖至海濱而止甚多文士君之爲未大異乎諸君之爲之也自珍喜而寫其副以如京師職方述一篇代大臣馬思哈扎征日記一篇則兵部郎中程同文就自珍舍寫副以歸京師遂有兩

本道光壬午正月內閣後進仁和龔自珍序於城南圓通觀
金孺人畫山水敘

嘗以後世一切之言皆出於經獨至窮山川之幽靈嗟歎草木
之華實文人思女或名其家或以寄其不齊乎凡民之心至一
往而不可止是不知其所出嘗以叩吾客客曰是出於老莊耳
老莊以逍遙虛無爲宗以養神氣爲用故一變而爲山水草木
家言昔者劉勰論魏晉宋三朝之文亦幾幾見及是或者神理
然耶吾友王曇仲瞿有婦曰金字曰五雲能屬文又能爲畫其
文皆言好山水也其所畫有曰山居圖極命物態仲瞿實未甘
卽隱逸以從魚鳥之游五雲饗筆研而祝之曰必得山水如斯
畫之美而借隱焉曇曰諾吁曩者同時之士固嘗擬仲瞿似晉
宋閒民不聞其有奇婦余窺其能事與其用心雖未知所慕學
何等要真不類乎凡之民矣抑又聞老莊之言或岐而爲神仙
或岐而爲此類將毋此類之能事與其用心其亦去去有仙者
思歟大夫學宗尙其思之庶嬪百媛尙其慕之歎息不足從而
緣之辭

上海李氏藏書志敘

龔自珍曰目錄之學始劉子政氏嗣是而降有三支一曰朝廷
官簿苟勗中經簿宋崇文總目館閣書目明國史經籍志是也
一曰私家著錄晁公武郡齋讀書志陳振孫書錄解題以下是
也一曰史家著錄則漢藝文志隋經籍志以下皆是也三者其
例不同頗相資爲用不能以偏廢三者之中其例又二或惟載
卷數或兼條最書旨近世好事者則又臚注某鈔本某槧本某
家藏本茲事殊細抑專門之業必至於是而始可謂備則亦未

易言矣

純皇帝開四庫建七閣海內之士畢睹官簿大江以南士大夫風氣淵雅則因官簿而踵爲之往往瑰特與

中朝之藏有出入者而上海李氏乃藏書至四千七百種論議臚注至三十九萬言承平之風烈與鄞范氏歛汪氏杭州吳氏鮑氏相輝映於八九十年之間李君猶且恨生晚不獲遇

純皇帝朝親獻書顧異日數

本朝目錄必不遺李氏吾生平話江左俊游賓從之美則極不忘李氏東南顧儻踰天半矣哉李君名筠嘉議敘光祿屬官銜不仕道光六年丙戌六月龔自珍在京師寄此敘

江南生彙筆集敘

江南生有奏議十九卷

定盦續集卷三

三

國朝法度大臣不敢以奏議入私集况主平生佐督撫爲政居幕下歷七省客十九主此代十九主之所爲有擬藁未用者有一事前後數易奏稿並存之者不得曰奏議以惑來者予正其名曰江南生彙筆集集中言天下財賦大指不當豐於入而當嗇於出有百餘事言天下刑名大指謂

本朝刑太寬民太不畏又有殺人不死傷人盜皆不抵罪者又本朝糾度士大夫甚密糾民甚疏視前代矯枉而過其正此其平生蓄於中心時時露於文采者也龔自珍曰江南生之言當否後世有折衷之者予不深論竊聞其爲人取於所主甚介談笑精悍指示曲折文辭甚辨麗於屬辭輕重繁簡往往因一言爭軋往復必欲達其意而後已當此時

朝廷詔令琅琅動數千言督撫奏議亦皆虎虎有生氣朝野不

病君狂也

阮尙書年譜第一敘

今皇帝御極之三年天暉地燦日穆月耀美陽之氣諒於耆臣是歲太子少保兵部尙書都察院右都御史兩廣總督儀徵阮公年六十矣海內之士裊觚握槩之倫介景者嚮羊祝延者縱萃其門下士大理少卿程同文等就內閣中書龔自珍而謀曰自古重熙累洽之朝則有康疆竺鞏之佐贊醴迪薰黼蔀黻紀相一人而壽世爲百族之福宗蓋殊尤絕迹有震於金石炳若神人者今吾座王阮公亦其人也汴宋而降多祝史之壽言晚唐子弟訂父兄之年譜二者韻華韻質韻古韻今韻可傳信龔自珍曰年譜哉大理因探襄哀出書二十四卷請曰是公子長生之所爲也子其敘之自珍旣卒業乃撮其括要而言曰聞之

定盦續集卷三

三

道隘者所任少名諛者所成寡德福者所積薄依庫者所覆狹史冊之事一優一絀將相之美哉初或終今阮公任道多積德厚履仗高成名眾如大理言如大理言公毓性儒風勵精樸學兼萬人之姿宣六藝之奧嘗謂黃帝名物宣尼正名篇者句所船句者字所積古者有聲音而有語言有語言而有文字自分隸之迭變而本形晦矣自通假之法繁而本義晦矣公識字之法以經爲詮解經之法以字爲程是公訓故之學中壘而降校讐事興元朗釋文憲臚同異孟蜀棗本始肖寫官公遠識駕乎隨唐雜技通乎任尹一形一聲厯參伍而始定舊鈔舊槧斯厓略之必存是公校勘之學

國朝四庫之纂百代所系七閣之藏九流斯萃公名山別竇番舶求奇馳副墨乎京師錫佳名以宛委蓋自子政而下鄱陽以

前公武郡齋之志振孫解題之作莫不討其存佚之年案其完
缺之數焦書揚目斯瑣瑣焉是公目錄之學公精研七經覃思
五禮以爲道載乎器禮微乎數今尺古尺求累黍而易誣大車
小車程攷工而易舛故大而冢士明堂辨禮之行於某地小而
衣冠鼎俎知禮之較乎某物莫遁空虛咸就繩墨實事求是天
下宗之是公典章制度之學公又謂讀史之要水陸實難宦宦
所過圖經在手以地勢遷者班志李圖不相襲以目驗獲者柔
經鄭注不盡從是以咽喉控制閉門可以談兵脈絡毘聯陸地
可使則壤坐見千里衽接遠古是公之史學在昔叔重董文識
郡國之彝鼎道元作注紀川原之碑碣金石明白其學古矣歐
趙而降特爲緒餘洪陳以還聞多好事公謂吉金可以證經樂
石可以動史翫好之侈臨摹之工有不預焉是以儲彝器至百

定盦續集卷二

西

種蓄墨本至萬種椎拓徧山川紙墨照眉髮孤本必重鉤倂論
在箸錄十事彪炳冠在當時是公金石之學公又謂六書九數
先王竝重窈差互乘商高所傳自儒生薄夫藝事泰西之容搆
其虛古籍靈於中秘智計之士屏弗見於是測步之器中西同
實而異名巧捷之用西人攘中以成法公即能窺天步俛能測
海鏡藝能善鞞彈聰能審律呂爲劉秦之嫡髓非薩利之別傳
是公九數之學文章之別論者夥矣公獨謂一經一緯造道而
成者綺組之飾也大宮小商相得而齟者韶濩之均也散行單
詞中唐變古六詩三筆見南士之論文杜詩韓筆亦唐人之標
目上紀范史賤記奏議不入集聿攻班書賦頌箴誄乃稱文公
日奏萬言自裒四集以沈思翰藻爲本事別說經作史爲殊科
是公文章之學聖源既遠宗緒益分公在史館條其派別謂師

儒分繫厚自周禮儒林一傳公所手叔談性命者疏也恃記聞者陋也道之本未畢賅乎經籍言之然否但視其躬行言經學而理學可包矣覘躬行而喙爭可息矣且夫不道問學焉知德性劉子以威儀定命康成以人偶爲仁門戶之見一以貫之是公性道之學公敷歷清華洵升卿士熟於載筆之禮法爛於內廷之故實

三朝文物觸之則絡若懸河九卿行列諮之則動中律令是公掌故之學凡若此者固已滙漢宋之全拓天人之翰泯華實之辨總才學之歸彼區區文儒之異傳斷斷經人之異師皆所謂得支亡幹守隅昧方偉哉絕業莫之與京已嘗觀道之豐也命必齋之德之亨也遇必室之兩漢以降爲世儒宗者伏生沈淪賈生放黜子政子雲所遭良阨康成邵公皆在黨錮叔重終於庫官仲翔罵於遠土或藉階經術致身卿相非其名德之無偶則必世主之非聖唐宋之世韓蘇之倫衡厥所遭什九同慨求其出秉斧鉞八總圖師朝宁倚焉師儒宗焉豈可邁與公宦轍半天下門生見四世七科之後輩尙長齒髮

三朝之巨政半在文翰幽潛之下士拂拭而照九衢蓬華之遺編揚挖而登

國史斗南人望一而無兩 殿中

天語字而不名吁富貴不足爲公榮名譽不足爲公顯九川行地溯學海而波澄三台燭天指文星而度正其在漢也譬以伏孔居邠魏其在唐也譬以韓李兼房杜然而矜遭際之隆不如稽勛闕之舊也侈福德之符不如陳黎民之感也

睿廟親政公受殊知謂

先皇將任汝樞臣今女其作朕疆吏公辭不獲爰始受命亦越於今先後廿年撫浙撫豫者皆再撫閩撫江右各一先督全漕繼督兩湖繼而督兩廣復六年於茲矣公知人若水鏡受善若鉞芥爨材牛鐸入聰耳而咸調文梓朽木經大匠而無棄器萃眾有功收羣策公文武兼資聰明異稟胸中四庫妙運用於無形目下十行識姓名於一過凡在僚友畏其敏服其大此公之功在察吏者也仁心爲質施於有政每問風俗先及桑麻昔譚浙人之饑遠汎舟於蜀江今徠番烟之粟平居賈於粵市其通有無也兼惠商民其化疆界也并泯中外此公之功在撫字者也文翁治郡禮容蔚於石室樂浪著縣契令代夫寫官公先視浙學成經籍纂詁二百六卷及乎持節乃設精舍顏曰詒經背山面湖左圖右史於政餘親課之及蒞江右采宋本十三經若

定盦續集卷三

六

千卷今茲來粵暇日無多又復搜其文獻勒成巨編采廣東通志若干卷輯士之堂榜曰學海想見俊髦之翁集與其波瀾之壯闊焉此公之功在訓迪者也嘉慶之初海氛方熾大爲遁逃之淵藪實恃糧兵之藉賈公以清野之法爲出海之禁推轂武臣訓練舟旅時則安南僞帥潛結內盜倚剽掠以贍辱邦傾醜類以弄巨艦久肆寇攘漸圖窺伺公傳檄諸鎮勒兵松門指撻方定颶風大作海若効靈順逆異勢是役也獲其王印及銅礮重二千觔者甚夥海寇殲焉厥後蔡牽往來閩浙公首薦壯烈伯李公俾爲統帥壯烈成名牽亦尋滅鯨浪遂息鼉更不驚餘千姦民蠢焉煽亂勾結黨徒簡造名號妖鳥已翼而未飛長蛇流沫而思噬公則斬彭蠡之菰蘆禱巨廬之煙雨發之也不旬日破之也不崇朝是曲突徙薪之善謀有勁弩激箭之捷手夷

大難如一反掌其於閩也特於海濱大築礮臺時出新意水法陸法之圖天雷地雷之譜厥後各吏則而仿之粵東互市有大西洋近惟英夷實乃巨詐拒之則彼關狎之則蠹國備戒不虞綢繆未雨深憂祕計世不盡聞蓋公身本將門夙嫻翰祕謝公雅量草木識其威名叔子高袞裘帶寓其將略此公之功在武事者也承平日久海宇蕃庶物盈而枵吏猾而蠹是以彌補之詔三十年於茲矣金粟之藏按簿則有其名關市之權據實盡無其物公在浙之日議謂其事當信而勿欺其期宜緩而勿迫久之竟獲全効卒如初議他行省勿及也此公之功在治賦京師轉漕東南歲七百萬積以升斗極於京垓盤倉古法今也失傳其數至隨而不可稽其欺至隱而不可詰公準之斛法定爲尺長布算則有目皆知執度則布指成寸既有定式遂爲捷法

定盒續集卷三

十七

又以此歲淮弱黃強重遲空晚發議盈廷圖改運道公乃攷有元之成規得海運之故道計舟楫豐儉之用較時日往反之程度其險夷權其常變中流一壺成書具在此公之功在治漕凡此者如盤雖麗難鑄彤矢之勲習鼎良珍莫罄赤環之續自非張華腹中千門萬戶孫武囊底八地九天而枚舉焉汎測焉竊以爲輕塵難語於崧嶽之高燭火奚裨於陽烏之炤者也右廿四卷宜置冊府宜藏京師宜付寫官宜詔僚友古之不朽有三而公實兼之古之上壽百有一十而公甫半之古說經之辭君主日臣主月詩曰如月之恆言初弦也五岳視三公詩曰崧高維嶽言大而高也由斯以談其諸光明之日進生物之方無窮也乎敬語程公爲我報公子侯公七秩之年更增十卷之書當更敘之此其第一敘云爾癸未正月

陸產若所著書敘

陸產若曰天下之大富必任土東西南北苟有六尺土若什尺土土之毛皆識其華實辨其材節其性同其時其生其死勿以還土可以小富矧夫若伯尺千尺萬尺有伯尺之土役於圃一人役於市一人爲天下養一人千尺者役於圃三人役於市三人爲天下養六人以是爲差天下之富人亦必以是爲差富殖德故曰德產焉傳其術以德後生富又殖壽龔自珍曰五經財之源也德與壽之溟渤也成周書眞僞半勿具論論堯時堯典言百穀矣其後但言五穀六穀九穀五六九以外蔬菰可材盡堯典之所謂穀也漢儒馬融說谷繇謨之文曰庶艱食猶庶根食也謂凡草木有根者根可食或實可食或華葉可食皆曰根食然則庶根食者其猶百穀與彥若知經術矣自珍又曰言

定盦續集卷三

六

農書四篇呂不韋宋之矣汜勝之書闕不具魏高陽太守賈思勰書二十篇著錄家皆錄之文淵閣又錄之矣漢大儒司馬氏爲貨殖傳所以記禹貢續周禮與天官書伺功不學小夫乃僅指爲詼嘲游戲憤怒之文章愼夫今彥若所著書祖古農書稱司馬氏而伯仲於汜勝之賈思勰之閒宜急寫副德後世曰種樹方者三卷曰種菜方者一卷曰種藥方者一卷都五卷著錄之如此又規之曰往往錯舉古今名古今語未可同又不分析東西南北之所宜試者或不得種得其種或效或不效宜小字細目以江河界限之彥若亟出都未暇治也丙申九月九日張南山 國朝詩徵敘

周公何人哉尹吉甫譚大夫何人哉逐臣放子棄妾怨婦舉何人哉周雖文其殆無有詩人之名也後之爲詩業之別有籍焉

成之別有名焉二者轍孰舊網取無所恩恩殺至所恩之人而
臚之高下之名曰作史網取其人之詩而臚之或留或削名曰
選詩皆天下文獻之宗之所有事也二者名孰高作史者曰我
古史氏家法於史爲大宗選詩者則曰孔子嘗刪詩矣我七十
子家法於經爲別子二者指孰優其名與實孰合分龔自珍年
三十四著古史鈎沈論七千言於周以前家法有意宜究之矣
旣具稟七年未寫定夫自珍之世非周之世天下久矣有詩人
之名也天下久有詩人之名天下獻宗選詩固宜選詩矣受而
視其目其真以詩名者未嘗漏焉而不可名爲詩人者什八九
是何人哉自天聰崇德迄於今八朝其姓名爲專家詩人所熟
聞者無幾詩人聞而成異焉曰舉何人哉自珍受而疑晚而得
其故曰若人殆樂網取其人而臚之而高下之與殆非徒樂網

定盒續集卷三

九

取其詩也與然則若人號稱選詩也何故曰是職不得作史隱
之乎選詩又兼通乎選詩者也其門庭也遠其意思也諳其體
裁也賅吁詩與史合有說焉分有說焉合之分之合又有說
焉畢燭吾心而赴吾志吾所著書益寫定偉夫若人懷史佚之
直中孔門之律今虎虎畝血龔氏之庭者哉張維屏字南山番
禺人官黃梅令

績溪胡戶部文集敘

古之民莫或強之言也忽然而自言或言情焉或言事焉言之
質弗同旣皆畢所欲言而去矣後有文章家強尊爲文章祖彼
民也生之年意計豈有是哉且天地不知所由然而孕人語言
人心不知所繇然語言變爲文章其業之有籍焉其成之有名
焉穀爲若干家釐爲總策若干別集若干又劇論其業之苦與

甘也爲書一通又就已然之迹而畫其朝代條其義法也爲書若干通昇人與者又必有昇之者會會雲初又必有祖禰之者日月自西江河自東聖知復生莫之奈何也已龔自珍不毀於言言滿北南續谿胡子則詣自珍舍就求文章術自珍正告曰不幸不毀於言言滿北南口絕論文瘡於苦甘言之不戢以爲口實獨不論文得失未嘗爲書一通高扁苟中效韓媿柳以筆代口以論文名覆按無有子胡決其藩而鉅其例且自珍嘗聞胡子之言之質矣粹然胡子之言也非如自珍之言之旁出汜涌而更端以言是謂七十子苗裔之言是謂禮家大宗之言其言式古訓力威儀焉大之言禮經焉中之言禮節焉小之言禮牘簡策焉譚山水問掌故求建置辨沿革又胡子所言不一言者也自珍作而言曰將強名此以爲文章豈可哉然名此爲文

定盒續集卷三

三

章又豈不可哉設又從而區論之甲幅近文章乙幅不近文章又豈可哉其率是以言繼是以言勤勤懇懇以畢所欲言其胸臆滌除餘事之甘苦與其名而專壹以言如其不然而強龔自珍論文章則胡子瘁矣

邵子顯校采叟東雜箸敘

國家以蘇州松江太倉州爲一道

睿皇帝朝命家大人分巡之自珍實侍任凡關甄綜人物按輯掌故之役大人未嘗不以使自珍焉大人去治十五年矣自珍仕京師賓客且盡遺聞墜權無可語者悽黯而已歲己亥乞糴南下信信揚州揚州教諭邵子顯太倉人也方校采叟東雜箸成自宋始迄於當代凡五十六部大氏四庫所未錄藏弄家所未見邵君有心哉蘇若松未之間也若徽州若吾浙西三府若

揚州若常州愛其鄉先輩而樂以其言餉天下者豈乏其人何居乎不效子顯之所爲尙書陶樹嘗語李兆洛曰願輯本朝江左人書萃四庫已收未收者李辭茲事體大不敢承噫江左百數州縣耳使一州有一邵子顯各纂其州子限七年此事何患不成春秋時周室有百四十國之書固出自百四十國者也仲尼賴之此事成可以傲嬴劉婉柱下儲以俟後聖邵君爲予渡河所見第一士邵君餉書爲渡河第一樂曩子營別墅於崑山縣距太倉一舍天如予我以蕭間著述於其中當效邵君之所爲且拏舟商榷之

懷甯王氏族譜敘

民之生盡黃帝炎帝之後也盡聖者之後也而國殺而有國家各私其子孫夫使私其子孫乃各欲其子若孫之賢也起中

定盦續集卷三

三

古家天下之聖人而問之不易此心矣又使天下有子孫者皆如此心天下後世庶幾少不肖之人矣乎起黃帝炎帝而問之不易此心矣欲子孫之必賢有道乎曰聖者弗能無已姑稱祖父之心而明惠之以言則有二術焉曰家法曰家訓家法有形者也家訓無形者也家法如王者之有條教號令家訓如王者之有條教號令之意家訓以訓子孫之賢而智者家法以齊子孫之愚不肖者由是臚而爲家譜則史表之遺也廣而爲家乘則史傳之遺也二術立譜乘舉矣譜何起起江左濫於唐誕於明賢矣有祿於朝則引史書貴官聞人以爲祖江左諸帝倡之又品差之明之文士述家譜誕者至八十世婚姻必書漢郡李必隴西陳必潁川周必汝南王必太原是也儒者實事求是又思夫大本大原皆黃炎漢郡何足書我則笑之懷甯主事王璩

示我家譜十卷有法有訓有譜法甚法訓甚良譜起明中葉以字某甫諱某者之始遷於懷甯也謂之始遷祖謂之懷甯王氏譜不濫不誕甚善我讀而善之則避席擇言曰古者祭禮報傳皇尸之命命主人曰皇考某甫以女會孫能帥從皇考之言降福於會孫享女飲食宜稼於田女會孫若我壽考戶部祭自珍願爲王氏緼

禮部題名記敘

道光十七年春三月仁和龔自珍由宗人府主事改禮部主事祠祭司行走夏四月補主客司仍兼祠祭司行走諸老前輩爲國朝禮部題名記成呼吏補自珍名諸老前輩則告自珍曰昔之日仕

祖

定盦續集卷三

三

又

宗朝手定大典細例役心目焉今日奉行之不失尺寸則無忝禮臣矣風氣小者視時遷移或視乎其人大端大禮不卑不亢百年來無以禮曹爲口實者皆先臣之賜受其賜靈沒其姓氏於簿領塵積可乎此記之所由作又曰百年以外什二三缺勿具瘡近瘡詳自珍受而讀焉以爲春秋思曾祖殺恩王父加詳恩父加詳頗中春秋例也乃對曰如前輩言如律令按記乾隆己丑進士以庚子歲由吏部改禮部宇匏伯者自珍大父也嘉慶丙辰進士除禮部字賜泉者自珍父也掌精膳司印吾大父之任也補儀制司改祠祭司兼儀制司又兼精膳司吾父之累任也自珍入司門願瞻楹題下上階思履綦步弗敢邁越諸老前輩目自珍舊事往往詢自珍皆以自珍爲嘗聞之也

四先生功令文敘

其爲人也愷博而瑜夷其文從容而清明使枯臞之士習之而
知體裁望之而有不敢易視先達之志盛世之盛唐之開元元
和宋之慶厯元祐明之成化宏治尙近似之哉尙近似之哉其
人多深沈惻悻其文叫歎自恣芳逸以爲宗則陵遲之徵已夫
莊周屈平宋玉之文別爲初祖而要其羨周任史佚尹吉甫之
生而願游其世居可知也自珍嘗之五都之塵市諸物見有內
外完好不皆竄者必五十歲前物曷嘗不想見時運之康阜民
生之閒暇雖形下之器與夫專道藝者等又况學士大夫生賜
書之家而澤躬於爾雅之林者與四先生其倫也四先生皆生
世家皆起家甲科其仕也始終全盛之朝意氣雍容可觀其在
官也皆肯徵賓客買圖史其未第也所與游鄉黨間亦必無穢
流不悅學之士如甘露惠風夕沍其條而晨冷其柯欲梧桐栢
梓之不扶疏而榮華不可得已宜茲文之進於雅與頌之堂也

定齋續集卷三

三

我

朝山川發詔自康熙初元以來如日炎炎乾隆之文一康熙之
文視開元慶厯成化善氣之長數倍過之然生其間仕其間而
能爲四先生之文者長亦不眾今付合寫一通而敘之如此隻
雅寄筌時發其聲欲喻契乎千鐘萬鏞鏘喞闐軋之奏者也非
甘叫歎者也武進管世銘歛口承寵仁和陳登泰桐鄉諸汝卿
送徐鐵孫敘

龔自珍曰平原曠野無詩也沮洳無詩也磽确陜隘無詩也適
市者其聲囂適昆壤者其聲嘶適女閭者其聲不誠天下之山
川莫尊於遼東遼俛中原逶迤萬餘里蛇行象奔而稍稍瀉之
乃卒恣意橫溢以達乎嶺外大澗除南斗豎亥不可復步氣脈

所屑怒若未畢要之山川首尾可言者則盡此矣詩有肖是者乎哉詩人之所產有稟是者乎哉自珍又曰有之詩必有原焉易書詩春秋之肅若沈若周秦間數子之纈若隄若而莽蕩而噲咼若斂之惟恐其抵擊之惟恐其隘孕之惟恐其昌洋而敷腴則夫遼之長白興安大嶺也有然審是則詩人將毋拱手欲欲肅拜植立擣乎其不敢議愿乎其不敢吳言乎哉於是乃放之乎三千年青史氏之言放之乎八儒三墨兵刑星氣五行以及古人不欲明言不忍卒言而姑猖狂恢詭以言之之言乃亦摭證之以並世見聞當代故實官牘地志計簿客籍之言合而以昌其詩而詩之境乃極則如嶺之表海之澔磅礴浩洶以受天下之瑰麗而洩天下之拗怒也亦有然徐鐵孫者家遼東先世扈

定盦續集卷三

三

王師入關爲正黃旂漢軍人康熙中徙廣東隸廣東將軍爲廣州駐防人金戈鐵馬其世胄也而徐君用經術起家登甲科爲劇邑令以詩睥睨東南友其人者澹閱如適遼雄奇如適嶺海本末具如吾言東南知徐君者本末畢如吾言乃書是言以弁君之詩之耑抑又有異者自珍生北方一窺臨榆未得溯山川所原本年四紀居江介不樂愁思益思游以振奮之忽然丐徐君磨墨爲薦土書貸扉屨將粵行且曰自粵歸則閉戶不復游徐君諾侈矣哉天下山川首尾徐君旣扼之怒未已其又將扼予之游事之首尾乎哉

識某大令集尾

某大令我不暇與之言佛儒之異同矣言大令大令爲儒非能躬行實踐平易質直也以文章議論籠罩從游士士懾然聰明

苟溢姑讀佛書以炫博覽於是假三藏之汪洋恣肆以沛其文章文章益自憲此其弟一重心然而漸聞佛氏之精微似不盡乎此惡焉怯焉退焉阻焉悔焉此其弟二重心名漸成齒漸高從游之士之貌而言儒與貌而言佛者益附之矣則益傲慢告人曰佛未可厚非若以佛氏蒙其鑒賞者然若以其讚佛爲佛教增重者然此其弟三重心有聊竊其旁文牘義以詁儒書頗有合者於是謗儒之平易質直躬行實踐者曰聰明莫我及又深沒其語言文字諱其所自出以求他年孔廡之特豚此其弟四重心如之何而可以諱之也莫如反攻之乃猖狂而謗佛其謗佛也無以自解其讀佛也於是效宋明諸儒之言曰不入虎穴焉得虎子我昔者讀佛正爲今者之闢佛於是并其少年之初心而自誣自謗此其弟五重心見儒之魁碩而尊嚴者則憚

定盦續集卷三

五

而謝之曰我之始大不正不敢卒諱與前說又岐異所遇強弱異故卑亢異然而又謗儒書所謗何等也孔子孟子之言窮理盡性以至於命之事易詩書中庸之精微凡與佛似則謗之曰儒之言絕不近佛儒自儒佛自佛如此立言庶幾深沒其迹矣此其弟六重心儒之平易者受謗儒之精微者又受謗讀儒謗儒讀佛謗佛兩不見收覆載無可容其軍敗其居失其口呿嘆其神沮喪其名不立其躁尙皇如嬰兒之號於路丐夫之僵於野老矣理故業仍以文章家自通遁之何如東雲一鱗焉西雲一爪焉使後世求之而皆在或皆不在此其弟七重心或告之曰文章雖小道達可矣立其誠可矣又告之曰孔子之聽訟無情者不得盡其辭今子之情何如又不應乃言曰我優也言無聊竟效優施之言以迄於今死

敘嘉定七生

嘉定七生龔自珍獲交其一焉曰恬生恬生言某之鄉有六生與某相引以爲重其執業均也笙詩鼓簧而鐫人應於堂也其相侈以名聲也如草木之感風露而芳香也圖形以傳之又願長言以宣之自珍曰美矣臧矣麗矣堂矣毋相忘矣願有以獻江以南與西北異水土淺醜器外窳中蠅聚而蝸散士之相爲友年齒若則以爲友家世若則以爲友科第若則以爲友匪性情之是友匪氣誼之是友始則假借牽引真相悖厚聲名出已右憎不相左死叻叟詎不止吾願之七生者之七而一也自珍又曰年齒若則以爲友科第若則以爲友家世若則以爲友諠浪詭隨媚膚脆骨捷如鼯狻一夫搖唇百夫蹇淫記稱勦說雷同晏子以告齊君而商書謂之惡德又有中年所業垂成就見

定盦續集卷三

美

它人所嗜好稱說必強同之華山旋其面目東向太室厭其中處以求同於岱宗而止是造物者混混失面目也吾又願之七生之一而七也自珍少游燕并之市之南方求科名北南賓客之辱者十於七乎百於七乎他日復之燕并求科名賓客之辱者十於七乎百於七乎不飛不鳴人猶以爲傾不鼓不考人猶以爲媚黜黜吾顏了了吾行抱秋樹之晨華指太陰以宵盟蓋知夫時之不我與又知夫區區之未可以驟明也故恆潛於幽而塊於處恬生日子之言文願傳語六生而納交焉書之遂書之六生者某某恬生名瑑姓陳氏

定盦續集

仁和龔自珍璉人纂

卷四

王仲瞿墓表銘

乾隆末左都御史某公與大學士和珅有連然非關於機者窺和珅且敗不能決然舍去不得已乃托於駭慎川楚匪起疏軍事則薦其門生王曇能作掌中雷落萬夫膽自珅之誅也新政肅然比珅者皆詔獄緣坐某公既先以言事駭避官保躬林泉而王君從此不齒於士列掌中雷者神寶君說洞神下乘法所謂役令之事卽以道家書論亦其支流之不足詰者王君少從大刺麻章佳胡圖克圖者游習其游戲法時時演之不意卒以此敗君既以此獲不白名中朝士大夫頗致毒君禮部試同考官揣某卷似浙王某必不薦考官揣某卷似浙王某必不中式

定盦續集卷四

一

大挑雖二等不獲上君亦自問已矣乃益放縱每會談大聲叫呼如百千鬼神奇禽怪獸挾風雨水火雷電而下上座客遽巡引去其一二留者僞隱几君猶手足舞不止以故大江之南大河之北南至閩粵北至山海關熱河販夫騶卒皆知王舉人言王舉人或齒相擊如譚龍蛇說虎豹矮道人者居京師之李鐵拐斜街或曰季三百有餘歲矣色如孩臂能掉千鈞王君走訪之道人無言君不敢坐踞良久再請道人乃言曰京師有奇士非汝所謂奇也夜有光如六等星青霞繞之青霞之下當爲奇士廬盍求之王君知非眞笑曰如師言哉己已春見龔自珍於門樓胡同西首寓齋是日也大風漠漠多塵沙時自珍年十有八矣君忽嘆息起自語曰師乎師乎殆以我託若人乎遂與自珍訂忘年交初君以稚季往來諸老輩間狂名猶未起老輩皆

禮之至是老者盡死同列者盡絕君無慘甚故頻頻與少季往來微道人亦得君也越八季走訪龔自珍東海上留海上一月明年遂死則爲丁丑歲自珍於是助其葬又爲之掇其大要而志其墓曰君姓王氏名曇又名良士字仲瞿浙之秀水人乾隆五十九年舉人也其爲人也中身沈沈芳逸懷思惻悻其爲文也一往三復情繁而聲長其爲學也溺於史人所不經意纍纍心口閒其爲文也喜臚史其爲人也幽如閉如寒夜屏人語絮絮如老嫗匪但平易近人而已其一切奇怪不可邇之狀皆貧病怨恨不得已詐而遁焉者也卒年五十有八有集如干卷祖某父某妻金能畫與詩先卒子一善才墓在蘇州虎邱山南銘曰

生曇者天也宥曇者

定盦續集卷四

二

帝也仇曇者海內士識曇者四百歲之道人十八齡之童子曇來曇來魂芳魄香思幽名長山青而土黃瘞汝於是噫

工部尚書高郵王文簡公墓表銘

公諱引之姓王氏江南高郵人祖安國禮部尚書諡文肅祖妣車氏徐氏考念孫四品卿銜前分守永定河兵備道妣氏公乾隆六十年舉人嘉慶四年進士由翰林院編修累官禮部尚書改工部尚書卒於伏

賜諡文簡生乾隆三十一年卒道光十四年明年十有二月日葬於州治之

賜塋公典鄉試事四典會試事二龔自珍則其典浙江鄉試所得士公之學及其著書大凡嘗不以自珍爲不可裁而請之矣其行誼始末自珍又窺其數大端矣將葬公第四子壽同則使

自珍表諸墓自珍爰述平日所聞於公者曰吾之學於百家未暇治獨治經吾治經於大道不敢承獨好小學夫三代之語言與今之語言如燕越之相語也吾治小學吾爲之舌人焉其大歸曰用小學說經用小學校經而已矣又聞之公曰吾用小學校經有所改有所不改周以降書體六七變寫官主之寫官誤吾則勇改孟蜀以降槩工主之槩工誤吾則勇改唐宋明之士或不知聲音文字而改經以不誤爲誤是妄改也吾則勇改其所改若夫周之沒漢之初經師無竹帛異字博矣吾不能擇一以定吾不改段借之法由來舊矣其本字什八可求什二不可求必求本字以改段借字則考文之聖之任也吾不改寫官槩工誤矣吾疑之且思而得之矣但羣書無佐證吾懼來者之滋口也吾又不改又聞之公曰吾之學未嘗外求師本於吾父之

定盦續集卷四

三

訓先是兵備公校定晚周諸子太史公書一時言小學者宗之公所著書

卷謂之經義述聞述聞者乃述所聞於兵備公也通說四十餘事又說經之大者在述聞之末又聞之公曰吾著書不意放其辭自珍受而讀之每一事就本事說之栗然止不溢一言如公言公之色孺子色與人言未嘗有所高論吳譚年近七十爲禮部尙書兵備公猶在比丁憂服闋再補工部尙書而公旋卒矣公終身皆其爲子之年門下士私相謂曰以王公名位齒髮而辭色如子弟所學殊與所養殊與其諸人論歸之師海內歸之福也與公以事親爲讀書以讀書爲事親門內之士勉勉顓顓人知之立

朝循典常俟

乾斷無所表暴天下頗無由測公嘉慶十八年巨逆林清以七

十七人入 禁門既殄定有議加築 圓明園宮牆高厚者有
議增 圓明園兵額者公皆不謂然具摺上

睿皇帝大動容召對良久乃罷

上諭軍機大臣王引之言人所不敢言其事卒見施行與否海
內弗知其奏牘何辭海內迄今弗知也由此例之公之風旨其
視徒表暴於道路者何如哉公配沈繼配范子四壽昌彥和壽
朋壽同范出孫七銘曰

璞之瑟瑟外有文也鏐之沈沈中有堅也君子肖之以事其親
也於乎欲事親者考斯欲事君者考斯斯人而不敢承孰爲大
道

武顯將軍福建海壇鎮總兵官丁公神道碑銘

乾隆中

定盦續集卷四

四

國家修大刑於閩島之外福康安公海蘭察公先後成大功以
去先於祀典凡百戎臣或有賞及後裔名附史官之牒其有官
不過隅鎮名不挂勳籍身歷百戰於狂濤巨鯨間幾爲忌者擠
致之以無名之灰而危以功名終則有通州丁公按狀丁氏出
自齊太公之孫丁公世霸營邱末胄播遷入

本朝家於江南之通州曾祖某祖應舉江南狼山營守備父國
升蘇松鎮遊擊皆封如公官妣張生妣陳皆封夫人公父官松
江遂家焉公諱朝雄字伯宜以松籍起家由右科歷數官屢遷
至福建副將四十八年島賊黃在莊叛公佐黃仕簡討平之列
軍功一等閩事之斐也公訶知林爽文有謀必屯兵東港以與
鳳山爲犄角勢及鳳山警公方赴引 見北上半途馳還白總
督常青賊不足慮請假某兵勦東港且斷其糧道卽鳳山潰矣

因進指畫緩急狀常青不聽惟專意鳳山檄公偕總兵郝壯猷趨鹿子港擒賊目楊朝派克鳳山非公意也人以爲公功賊果大熾益蔓延檄公守鯤身又檄公守郡城公於鯤身則招土番千人敵賊萬眾矢石俱盡而賊目潘猛攜烏龍旂不下公命守備邱營拔之猛走鯤身平公於郡城則戰少守多未至先破賊中途路始通遂徧閱城樓屯柵池隍不治者整之時總兵柴大紀守諸羅公守郡城三閱月皆食豆餅髮觸冠數寸賊不得逞諸將恃以成戰功於外之數者亦非公意也人又以爲公功至是而討東港之

命下矣常青非公無可使而以八百人與公請益則曰戰不利則守舟中舟不可守退而益兵公曰爲國歿命也大人卽不發一兵某亦往拂衣上馬行至東港賊眾且數萬先時海中有淤淺雖潮至舟不通賊以是不設備僞軍師吳豹僞將軍洪賀繼飲酒天大雷雨水暴長丈所公坐舡艙指揮縛羣酋遂登其礮臺賊大驚急近戰公曰我幸踞礮臺天也遂發大礮諸火器繼之光塵蔽天賊尸拋滿岸滋獲僞將軍李老合逐北三十餘里乃倚山爲營夜半忽有數百人大噪過溪公戒眾勿出少選又有數百人直撲大營公益不動天明盡掩之軍中不知其誰何迹其屍皆赤髮而裸蓋番人乘間爲聲援者公踞地勢故無恐林爽文遣其黨來援公築壘圍之賊潰圍出公料其必奔茄藤先令守備鄭其仁以步卒三百伏於路而親自中道追之賊遇伏卒敗餘賊遁將渡溪公擠而溺之遂獲豹賀東港平時乾隆五十一年某月也計大小七十三戰八百人扶傷痍以完智勇無出公右而常青蔽不以上

聞第令公攝海壇鎮總兵官福康安公至始奏卽眞公仍留臺
灣防禦比林爽文就擒始蒞任海壇固雄鎮環海大盜時出偵
問斥候稍疎卽大爲民害公督率舟師爲游兵迎捕盜林賴舵
林明灼者海之酋魁也公得巔舵於浙江洋而明灼適以戕參
將張殿魁事

聞

高宗純皇帝震怒嚴責總督伍拉納伍懼以責公公請身任一
日晨出颶霧四塞公喜謂諸將曰今日得報張公矣遂令眾船
齊進果遇明灼於大麥洋俟其近力踞上游縱大礮連擊賊頭
目明灼知不免躍入海葉把總鉤得之功狀始上

聞

旨召見未行而總督又調公臺灣鎮總兵官渡臺後復還公於
海壇攝水師提督五十八年以捕會匪功奉

旨加四級五十九年循例入

覲途次病甚乞兩江總督蘇靈阿代奏乞骸骨

上方向用公

特旨令回籍調理俟病痊卽行奏請

陛見冬十有二月某日甫入上海縣境卒於舟中年六十有七
公輕財愛士官閩時有廣東舉人曾中大欠穀數千石有司以
軍需不給將置之法公竒其才代償之後曾爲義民長以戰功
賞巴圖魯任至理番同知公配陳封夫人後公卒公有丈夫子
二人廷珊國學生攀龍武生蘇松鎮左營守備孫四鍾傑武生
浙江千總鍾琪國學生以嘉慶二十一年十月初二日奉公暨
陳太夫人合葬於松江細林山祖塋之側越九年神道之文未

具鍾傑等以公捍大患而世莫聞願文章之士發其光則與載於官書者異日出入必互見故來乞書於碑銘曰告下車者曰是百戰百勝者丁將軍之墓再告下車者曰是百戰百克而無炳炳於時者三告下車者曰是將軍之孫鍾傑鍾琪泣述功烈有盡於其心是爲史之別子龔氏之言用卒告闡烈之君子今年實道光五年

明按察司僉事金君石開銘

嘉慶二十一年八月甲辰朔越一日乙巳文林郎錢唐金應麟始使石工某爲明按察司僉事造此石闕用錢若干緡役工七十有
君姓金氏諱應奎字曰封風錢唐人也明嘉靖二十三年進士官吏部文選司主事稟性剛毅不媚柄臣浮湛十年始循常遷改河南道御史出爲山東按察僉事河決東郡宣防有

定盒續集卷四

七

功再遷四川按察使中貴馮保私僮百指爲暴鄉里以人疾首君杖遣之直聲聞於朝小人道長義不勝邪遂坐劾君君受劾歸不問世事恬愉冲夷淪隱以沒年
十有
實明隆慶八年葬錢唐之仁壽原越二百載高岸就坻樵蘇是侵一坯眇焉應麟盡然心傷爰糾其族旣封旣樹立此高闕義戕翼翼以旌遺聞以播於后昆銘曰於惟金君明允塞淵江介之先升於朝右官亦不遂曰德之剛乃吏於東天險勿倉是君宣防東人謳矣西人求矣巖巖厥疆有龜有豸氣使大僚以役封狼君暴創之吏昨而蔽遂褫公章西人嗥呼朝亦弗誕以老公於鄉重曰瞻仁壽之佳原宅江湖而兆正考德於鄉邦剝元石而失姓惟世澤之必鍾感文孫之哀敬攬刻辭而無爽隘兮總英靈於家乘君配邢子
君弟
陝西西安府同知西安之九世孫應麟

嘉慶十五年舉人以文學聲於時同郡後學龔自珍爲文刻石贈太子太師兵部尚書兩廣總督諭敏肅涿州盧公神道碑銘

代阮中堂

道光十五年秋九月兵部尚書兩廣總督一等輕車都尉涿州盧公卒於位既聞

皇帝震悼贈太子太師易名敏肅卹如禮明年夏公子戶部員外郎端黼以公喪至自廣州某月日葬於州之賜阡如禮體仁閣大學士阮元作而歎曰若盧公可謂勞臣也已公通籍

睿皇帝朝

今皇帝御極一紀有餘寰海內外若西若東若北若南小大之事苟異日宜書者公罔不在公所在事西東北南

上罔不委任

定盦續集卷四

八

上任之矣公罔不得眾力得於上又得於眾功罔不功成矣歟後罔不善

上以實任公以實應微獨

上信公若京朝官若外吏若僚佐若游士賓客若伍若民莫不曰

今皇帝御極一紀有餘小大之事未有歷試歷效始卒偁恩禮如盧大人者也卒之日訃至之日遠近失色嗚呼可謂勞臣也已曾祖振裔祖某考士夔妣氏某本生考某妣氏某公諱坤字靜之卒年六十有四配氏某先公卒阮元乃銘公之神道銘曰涿郡之盧熠自東漢時惟范陽代有偉者允文允武大熾於唐汴宋以降盧少替夷俟公而究五歲瀕棄神嫗活之憑讖告祥卒如神言輒滿天下名德浩滂起家文辭觀政於曹翠翎英英

出治南服又歷試旃以知宣房

龍飛自天浹旬三遷電發雲驤初撫關中師彼周雅乃積乃倉
乃興水田以實雍州西睡用兵西睡用兵將相雲會公職轉饜
轉饜如何十萬西師勦命一方犂牛三萬役夫又萬執祿庚庚
祿定檄飛自送大軍夜出燉煌

帝甄西功公不搏賊公乃綱綱既甄既藏休公于晉羽毛迴翔
西事再訂公請復西

帝還其璽

帝命作督於江漢滄江漢湯湯沱潛爲田龍魚失居乃怒而張
奪此波黎子彼龍魚以莫荆襄有現有獠負峒阻礪不賦而禳
公曰火攻扈扈虎虎緋旂赤常

帝曰趣之炎靈速之既翠既康使者汙矣

定盒續集卷四

九

帝問南矣公偃在牀迤邐而南移節遷旂嶺海洋洋獮獠所蔓
小沖大排弭首如牂乃問鹽鐵鹽官告羸鐵官告良嶺雲白矣
海氛墨矣嶺椽夜狂吁嗟嶺海大寶大痔海人來商不日驅之
揖而樞之追咎有明瑰麗焯葩巧工所都誘我筐篚遂瘠南東
喪金萬萬食妖大行經海之南有越南國駢古越裳維海之西
有英吉利隆鼻高眶環伺嶼門以窺禹服什伍其檣壘鳴地中
長鯨和之孽波浪浪澎湃百年自互下始大原我詳公姑仍之
又姑持之亦持亦創仍之如何以嶼居夷勿汝磔攘持之如何
自誅食妖以肅津梁創之如何樓船礮臺虎門中央窺公之心
信公之意公實茹藏罷關絕市粵乃大治異日其颺天不俟公
不蘇東南公也暴亾凡公所莅

聖清所覆馬蹟芒芒我書公勞什不六七塞滿九間後有式者

八祿辟邪髻鬣飛揚

刑部主事番禺黃君妻周墓碣銘

嶺南有女子焉哭其母又哭其父又哭其兄又哭其殤遂先所
天卒女有女弟二相愛以哭其女兄相繼卒竺矣乎一門之內
齊於季豐於思鬱於性薄於祐天鍾之天皆疾之有如是乎所
天既貴告其友仁和龔自珍云吾婦卒之日吾方北游莫視舍
茲空有日願書其表隧之石自珍乃次之曰山陰周德瑞客嶺
南占番禺籍生聚榮聚榮生女子子適同縣黃玉階中道光丙
申進士官刑部主事贈妻安人晉宜人以及刑部君之貴食
貧茹艱婉惠慈順自姑章及三族無間言生嘉慶乙丑也卒道
光癸巳也春秋二十有九宜銘銘曰

人生兩間哀樂固無極也賢智過情不肖不及也矧后媪之積

定盦續集卷四

十一

痲兮非女子之善戚仙吾不可期佛吾不可思爲鬼果如爲人
之聚首兮又愉悅而弗敢知女子之征亦寥廓也匪骨匪肉翔
所各也黃子無聊之言則曰夜臺樂也

徐泰母碣

侯官林氏女爲上海徐兆洙妻期而寡遺腹子曰泰泰從林受
孝經既長好文章篤於朋友龔自珍友之告自珍曰吾母平生
再刲股一療吾外王母疾再療吾王母疾皆瘡親族無知者寡
十四歲而卒卒歲餘吾祖母病眩瞶家人恐病者忽自語愈矣
適四孃去吾側飲吾茶果瘡侍病者皆泣四孃者吾父子諸同
產季也道光十九年

詔旌上海縣徐兆洙妻林氏泰立石墓側使自珍銘銘曰
生以肉療母歿以魂翼母宜有德有文之子熾爾後

孔憲彝母碣

闕里孔憲彝其氣儒者手狀乞銘其母之阡按狀孫氏浙產歸孔昭口生三子憲彝仲也逮事威姑先所天卒春秋三十能刻繆篆施金石組紉之事絲竹筆牘之藝靡不通眇焉銘曰
璇珠輝輝氣質溫必有圓折鍾厥源吾郡葩華莫若孫車來闕里高開門東魯喪矣西湖媛此有式者魯後昆

朱塲女碣

朱山人游東海望姜女祠海中孤墳雲水環壅天色垂纒俯之幽然心動而識焉役反其女殤家人葬之東直門某村翼日自往哭之地多野潦曠浪無垠日窮魄動觸其前境神思無形乃成識兆告其友龔自珍言如此乞書于碣道光元年冬也

潘阿細碣

定盦續集卷四

十一

女阿細黔潘氏嫁瑯琊夫甚貴事夫良頗識字夫遠戍出居庸居庸關莽萬重行倉皇不可挈託弱小友朋職我婦何割屋宅細有釵直十金何貸之糴米鹽久不償慙以沫細甚俠無德色望夫臺細衷衷涼風厲夫不來細悲吟淚霑霑子先肄辰以奄莫殮之莫穉之報釵德銘瘞之居庸關天之西夫不歸冢萋萋櫛無漆媿釵德樹之棗心甚赤

京師悅生堂刻石

代宋經厯

或問曰三代之極盛養民之法備矣其民猶有飢寒莫告者乎應之曰有三代之貴游士大夫有施舍振貸以爲德以爲名者乎應之曰有何以知之曰古之農有大宗有小宗必有諉也諉爲閒民閒民俟轉移執事以生者也執事不及之則飢寒矣其在周禮有六行六行始於孝而終於卹四行爲親親之事二行

爲仁民之事以正三代貴游士大夫之行其在禮運篇曰鰥寡孤獨廢絕有養也養之法古無專官無條目無專官無條目是費不出於公上也費不出於公上設卿大夫義又引嫌以避民之歸已則鰥寡將誰養然則富貴有祿入之家必佐主上以養民不始於宋之罕氏齊之陳氏也明矣難之曰聞民贍於其大宗非其宗也卿大夫弗預聞應之曰古之有姓氏有譜系者必公卿大夫之族盡黃炎之裔姬姜子妣嬴莘之人也若夫草莽市井之人叢叢而蝨蝨不出於黃炎其先未嘗有得姓受氏之榮也收族之大宗各收其族何以處草莽市井之無告者故知必不然矣我

聖清之休養民同符乎三代民固悅其生然而飢寒之民未嘗一日絕於天地之間天爲之非人爲之也是故京師有悅生堂以佐

定盦續集卷四

聖天子養民卹之者誰河南吳侍郎烜也董成者誰錢唐陳參議鴻戚檢討人鏡也出貲者誰碑陰所立諸公是也有其貲必有其地有其地必有其出入會計有其出入會計必有章程子目風雨寒暑也孰親之肩鑰也孰啟閉之木石軌瓦孰庀之輿僇侵漏也孰問之必有司事司事者誰都察院經歷汾陽宋銘堯始末皆在焉爾宋銘堯記道光戊戌五月

鳳山知縣常州湯公父子畫像記

乾隆五十一年臺灣民林爽文叛鳳山知縣武進湯大紳死之大紳子苟業實從大紳創苟業左右翼父歿常州人謀曰父歿忠子歿孝宜建忠孝祠以祀

純皇帝諭祭之文在麗牲之石海內士大夫爲歌詩甚多甚信

甚備荀美。荀子曰：貽汾以蔭，授雲騎尉官。浙江副將軍旣致仕，居江甯府城北之紗帽巷。仁和龔自珍訪之，拜鳳山君像。儒者也。又拜太學生贈振威將軍崇祀忠孝祠。贈公像益峻，俊有子弟之容。曰：與竹居詩者僅半卷。贈公所爲也。其言冲平夷易，副將軍詔自珍曰：昔之日狂濤怒鯨，聞家燬巢，隕蕩乎何所遺。畫像以不似，而先棄詩以不自愜，而先棄凡今所存，皆以棄而存於乎至人之於忠孝名節，炳天地而祿史冊者，大氏遭遇時勢卒然而成之，必非先有規模於其胸臆者。泊其然也，庸距有述乎。亦若是而已矣。距鳳山事五十有五年，仁和后學龔自珍再拜記。

金侍御妻誄

金侍御妻曰韓宜于姑而夙夙之夕，姑于二千里外夢之如訣。

定盦續集卷四

三

者初夫婦上書，母報問侍御，娶有獻於姑，不報或問之，曰：思故人也。侍御遷一階，馳書賀母，亦不報。曰：吾傷故人不及見，侍御具狀，乞文，烏名姑，惡誰當雪之。敕名慈姑，又誰植之。遇人不齊，民生萬千，孰天其恩，孰疾其年，夙生之際，亦孔不昧。魂踰湖江，以訣，縛愛有泣，在膺，有聚在房，舍圖其新，我箴不忘。最錄南唐五百字。

南唐保大四年，韓熙載奉敕集王羲之書，撰并書一卷，凡爲句百二十，有四爲字四百九十，有六以較梁周散騎千文無復字。江南宮中藏王氏筆蹟數十軸，取材易給，故也。韓書紆徐，頗似之。其言如謠如讖，如頌如諷，如繇如度，雖瓊屑有足烹者。梁千文學，僮皆習之。此作恐遂無訶者。乙未三月，付寫定，懿鏤。祖考蒼昊配崇，盪氣埽寇，討莠除凶，旌旂藏怒，祝禱臚衷，蒐苗。

獮狩三蠶十攻飲至妥侑延進督矇泰元后媪樵燎熏穹瓊瑀
瑤珮紀烈采風狄鞮演燹閎燧消烽館幽澹澗壤碩冰冲圭稍
葵菽艱沃劬豐兕觥介壽旨畜禦窮披山掘穴軫瘼抱痾茯苓
枸杞昌歎鹿茸朱砂鍾乳參朮芑芎徵材數藥博晰牢籠竺佛
誕降僧利棟隆宏誓脫度浩劫乍逢禪槌雷吼梵唄潮雄琉璃
現界蒼苔呈峰採蘇焚溺警喝越壘閨稟哲舜翟祁僮鶴鸞
嵌飾鳩鵲鑲銅蓮紋濯影鉛粉浣紅鏡斂眉桂闥鴿翠蓉啼妝
嫩妒冶寤憐忪顏鬢暉枕搦管汗形娉婷粹絲姪姘玲瓏葳蕤
芳澤雪豔嬌融梅噙竹亞窈窕邃樓愁眉暎靨姑邁姬禮春臺
霽傲行閣髻虹襪祥禡社禔應龐鴻巫芭選隊千載僂童儺禳
疫癘祈界蛭蠶咸秩郊祇鬯圭臚旅礫攘婆娑肝饗脯消已被
辛祈祿弓雪舞禡禱蚩尤蜡餞猶虎札瘥天昏矻衰瘡蠱漉粟

定盦續集卷四

丙

牽船征商權監縉泉貧逋關津池呂幼狎囊韃毫肆豆俎饋鈴
寢披颺笏笥翻識緯眾錄匱冊襲弄一夔膺寄六籍司祐彝罕
鼎卣珩璜琮璠蠶篆蝌籀劄摹拓補玫瑰伴甬珊瑚裝杜癖尙
浸淫醜謁肺腑篋拚門智馮陵醜虜謀祕算碑財贏勇賈鬼闕
呼吸電激吐茹乾元坤喪翻反奪汝隼擊歛逝颺技危許飯輓
牟尼蹈轍鄒魯殲珍謗肅翫輯肱督揮波灑瀾贈申慰甫鴛鴦
戢梁鳧鷖嬰渚陵耶懲佚長固饌譜原隰駟騏黃繫筐筥麟趾
裏蹠叔庫溢階脊錫曼羨耆耄純嘏

記王隱君

於外王父段先生廢篋中見一詩不能忘於西湖僧經箱中見
書心經竄且半如遇篋中詩也益不能忘春日出螺螄門與轎
夫戚貓語貓指荒塚外曰此中有人家段翁來杭州必出城訪

其處歸不向人言段不能步我昇往獨我與吳轎夫知之循塚
得木橋遇九十許人短褐曝日中間路焉告聾予心動揖而徐
言先生真隱者答曰我無印章蓋隱者與印章聲相近日晡矣
貓促之悵然歸明年冬何布衣來談古刻言吾有宋拓李斯郎
那石吾得心疾醫不救城外一翁至言能活之兩劑而愈曰爲
此拓本來也入室徑攜去他日見馬太常述布衣言太常悅而
思叩而掀髯曰是矣是矣吾甥鎖成嘗失步入一人家從窻後
隙戶出忽有院宇滿地皆松化石循讀書聲速入室四壁古錦
囊囊中貯金石文字案有謝朓集借之不可曰寫一本贈汝越
月往視其書類虞世南曰蓄書生乎曰無之指牆下鋤地者是
爲我書出門遇梅一株方作華竊負松化石一由歸若兩人所
過其皆是與子不識鎖君太常布衣皆不言其姓吳轎夫言髡

定盦續集卷四

五

髡姓王也西湖僧之徒取心經來言是王老者寫參互求之姓
王何疑焉惜不得勸地能書者姓橋外大小兩樹依倚立一杏
一烏桕

吳之癩

癩不知何輩流其籍吳中大略生乾隆時卒嘉慶時讀其言百
憂之所窟眾香之所宅其行無有畔涯其平生甚口其言盡口
過也過其里之子弟曰若爲子弟而清澗之質亡矣過其父老
曰負所見聞之都市益過其父老曰上古飼狗之盆萬年猶不
以薦器之其州之大聚曰州將潰或問之曰貧者詐升斗乎富
者騰飛走乎事令長不父母乎皆曰不然則州何爲潰曰父老
灰矣子弟不得爲他日父老問何爲曰無積不以讀大聚之條
約則禮經之文曰土敝故草木不長水煩故魚鼈不大之京

烏桕

師過其郎曹曰古也剛愎今也柔而愎過王公大人之清正而儉者曰神不旺不如昔之言行多瑕疵者嘗怒人而弗絕也曰容之甚於絕之過慮者誦巧言之五章當此時天下聞此癘言如此矣願癘少年受人片譽越五十年過其曾孫於市脫百金之裘贈之親爲駕馭之歸舍

龔自珍曰予不識癘識其弟子數數僱募其師子曰從子之師之道逐道也客於門窻逐於巷市客於巷市逐於州都客於州都逐於朝凡七見逐而終不怨其師

書果勇侯入覲

本朝旣百八十有六載漢人籍而身膺世爵者公則有黃芳度岳鍾琪侯則有張勇施琅伯則有文臣張廷玉武臣孫思克王進寶趙良棟皆有功德皆以爵終於其位而今太子太傅固原

定盦續集卷四

六

提督楊君芳封爲二等果勇侯位在二十六等之第六等赫然與靖逆靖海齊名增漢人重凡宿衛之臣滿洲輒除 乾清門侍衛其有異材重以貴戚乃擢 御前侍衛漢籍輒除大門上侍衛日直不過闕領侍衛內大臣轄之如外弁之見將帥其有材勇擢爲 乾清門而班之崇極矣今楊侯特授國什哈轄漢國什哈轄內臣驚爲未聞漢人襲父爵者出爲弁士入爲侍衛父祖功最高入拜散秩大臣而蔭庇之榮極矣侯有子曰承注自以生員起家 賜文舉人他日當補文臣內可致九卿外可致督撫漢人襲爵者施琅孫士毅皆

詔入旂籍漢軍都統治之而楊侯官籍以貴州行伍達於兵部不改承注以貴州舉人達於禮部不改父子迴翔立外廷奉外事昔周中興威重大臣無如尹吉甫吉甫歸鎬客有張仲令大

臣數楊侯楊侯朝客有徐松張琦魏源源也雅材襲自珍友之
噫嘻美譚並世之士躋追周雅後或繼也前莫聞也侯之入覲
何自自喀什噶爾也其年道光九季其月四月廿八日乙丑自
珍既與侯相揖於西淀軍機處直房明日書是以娣侯

書番禺許君

粵之東維

帝南服而天下之雄也其山怪其土阻其水大壑其物產英詭
其人沈雄多大略其大政三日權鹽曰舟師曰互市三者恆有
聯事相倚也番禺許君家受鹽董全粵鹽能靖民之悍然與士
爭利者既起家顧不屑自封殖曰粵天下雄也紆

朝廷南顧而下爲里榷憂其海氛乎吾當身任之治海之道有
二曰得卒曰得船鄉勇之老於海者視官兵其生熟相萬也私

定盒續集卷四

七

船之法式視戰船之造於官者其狙鈍相萬也尙書百文敏公
方銳茹羣言君進指畫緩急狀文敏曰具如君言則退而自具
舟神機鬼式百十其舸疾於颶風曰紅單船龍首魚身燕尾首
尾自衛曰燕尾船又立募潮少年萬人爲鄉軍軍於珠光里而
自將之日散千金自爲守其年取賊於大洋明年盜魁自縛獻
百數文敏爵輕車都尉粵遂平實嘉慶十五年某月也粵大稜
君愾然曰夫互市之耗中國久矣獨徠洋米可以償所失今法
洋米至則稅以拒之又空反以窘之米益少客益多主客皆饑
是與外夷市勇於招徠淫巧而怯於籌食也宜蠲其稅之入而
許其貨之出夷商大悅則反害而爲利大吏僉曰如君言由是
粵雖惡歲米直平許君之冊也厥後浙江饑大吏召臺灣米由
海入浙境免其鈔約略祖君冊云子曰祥光仕爲戶部郎以謫

龔自珍於京師自珍南向俛曰君有功於大計者三非惟照曜其鄉固世魁傑宜乘安車應

清問使公卿識奇士又知君之不可招也如祥光言書一通以旣升五嶺而望者焉

書葉機

鄞人葉機者可謂異材者也嘉慶六年舉行辛酉科鄉試機以廩貢生治試具凡竹籃泥爐油紙之屬悉備忽得巡撫檄曰貢生某毋與試機大詫初蔡牽朱潰兩盜爲海巨癩所至劫掠戶口以百數歲必再三至海濱諸將怵息俟其去或揚帆施槍礮空中送之寇反追衄不以聞故爲患且十年巡撫者儀徵阮公也素聞機名知沿海人信官不如信機又知海寇畏鄉勇勝畏官兵又知鄉勇非機不能將八月寇定海將犯鄞機得檄號於

定盦續集卷四

六

眾曰我一貧貢生吮墨執三寸管將試於有司售則試京師不售歸耳今中丞過聽檄我將鄉里與海寇戰毋乃哈乎雖然不可已願諸君助我眾曰盍請銀於文官不可盍假礮於武官不可事亟矣何以助君葉君則揜臂大呼且誓曰用官庫中一枚錢借官營中一秤火藥而成功者非男子也飛書募健足至行省假所知豪士萬金假縣中豪士萬金遂濃墨署一紙曰少年失鄉曲歡致凍餓者有拳力絕人者漁於海者父子兄弟有曾戕於寇者與無此數端而願從我者皆畫諾夜半賫紙者反城中村中畫諾者幾三千人天明簿旗幟若干火器若干糧若干機曰烏用眾以九舟出餘聽命是日也潮大至神風發於海上

一槍之發抵巨礮一櫓之勢抵旂旌殺賊四百餘人九月又敗之於岸十月又逐之於海中明年正月又逐之於島浙半壁平

出軍時檣中有紅心藍邊旂機之旂也自署曰代山其村名也朱潰艦中或爭軋詛神必曰遇代山旂阮公聞於朝奉旨以知縣用今爲江南知縣爲龔自珍道其事

書金伶

金伶德輝以字行逸其名矣吳人乾隆中吳中葉先生以善爲聲老海內海內多新聲葉刊而律之納於吭大凡江左歌者有二一曰清曲一曰劇曲清曲爲雅謙劇爲狎游至嚴不相犯葉之藝能知雅樂俗樂之關鍵分別錄忽而通於本自稱宋後一人而已葉之死吾友洞庭鈕非石傳其祕爲第一弟子德輝故劇弟子也隸某部部最無名顧解書以書質鈕而不以歌一夕歌鈕刊而律之納於吭則大不服鈕曰毋曰吾不知劇若吾所知殆非汝所知也卽欲論劇則歌某聲當中腰支某尺寸手容

定盒續集卷四

九

當中某寸足容當中某步金始駭就求其術鈕曰若不爲劇寒餓必我從三年藝成矣曰諾江左言歌自葉先生之死必曰鈕生而德輝以伶工廁其間奮志孤進不三年名幾與鈕亢乾隆甲辰

上六旬江南尙衣齷使爭聘名班班之某色人藝絕矣而某色人頗細或某某色皆藝矣而笛師鼓員琵琶員不具或皆具而有聲無容不合

駕且至頗窘客薦金德輝德輝上策曰小人請以重金號召各部而總進退其所短長合蘇杭揚三郡數百部必得一部矣齷使喜以屬金金部署定其目錄琵琶員曰蘇州某笛師曰崑山某鼓員曰江都某各色曰杭州某曰江都某而德輝自署則曰正且色吳縣某隊旣成比樂作

天顏大喜內府傳

溫旨燈火中下珍饈醞玉器宮囊不絕又有

旨詢班名讎使奏江南本無此班此集腋成裘也

駕旣行部不復析而寵其名曰集成班後更曰集秀班德輝旣以俯

旨重江左遂傲睨不業鈕生屏人戒之曰汝名成矣藝末也當授汝哀秘之聲明日來授以某曲每度一字德輝以爲神曲終滿座燭盡滅德輝竊譜其聲而不能肖其年秋大商延客召集秀乾隆時貴僚賢公子喜結歡名布衣當佳晨冷夕笙簫四座被靚耀姚冶跌盪時則必有一人徹衣冠面目不可意而清醜入圖畫者視之如古銅古玉娑娑然權奇襍廁於其間以爲常其人未必天下奇士也要之能上識貴人長者大官走聲譽下

定盒續集卷四

字

能覘名僧羽士名倡怪優劍俠奇巧善工之倫以故非非石不能致德輝而德輝試技之日主人以德輝所自薦也非石爲上座旣就夕主客譁惟恐金之不先奏聲旣引吭則觸感其往夕所得於鈕者試之忽肖脫吭而哀坐客茫然不省始猶俗者省雅者喜稍稍引去俄而德輝如醉如寐如倦如倚如眩瞶聲細而謫如天空之晴絲纏綿慘閭一字作數十折愈孤引不自已忽放吭作雲際老鶴叫聲曲遂破而座客散已盡矣明日鈕視之而病鈕悔曰技之上者不可習也吾誤子子幸韜之而習具中德輝亦悔徐扶起燒其譜故其譜竟不傳而德輝獲以富且美譽終德輝卒時年約八十餘無子有弟子曰雙鸞非高弟也能約略傳其聲貧甚走南東至北子嘉慶己卯冬非石在子座

上字謂之曰雙鸞早出世十年走公卿矣龔自珍曰非石今像

然在酒間爲予道蘇揚此類事甚夥金德輝事自甲辰起大約迄癸丑甲寅間噫江東才墨之藪樓池船檝之觀燈酒之娛春晨秋夕之游美人公子憐才好色姚冶跌盪之樂當我生之初頗有存焉者矣

松江兩京官

御史某與侍郎某相愜也御史公得大學士和珅陰事欲劾之謀於侍郎侍郎曰大善比日

上不憚事不成徒沽直名誠恤國體者遲十日可乎御史諾緩急待子而行

上幸木蘭熱河留京王大臣晨入直有急報自

行在至發之和珅答侍郎書大略云和珅頓首謝種種有處置矣月餘報至亦和珅與侍郎書辭甚嘽謂君給我侍郎慙急詣

定齋續集卷四

三

御史曰可矣御史方飲酒勅竟上是日以弊典罷官亦無禍浙後進曰御史頽放人也安慮天下有穽已者哉欲明不欺成其獄雖易地以計烏可已烏可已顧負杭直之意偵主喜愠乃一發聲留隙俟處置以敗信道可不篤耶設少年悍者擊之中矣縱難送曹生

天下筮金搏垞削楮採草造木凡必有伍至於士也求三代之語言文章而欲知其法適野無黨入城無相津無導朝無詔弗爲之其無督責也矣爲之且左右顧視踐踐而獨往其愀然悲也夫其頽然退飛也夫智者聞之則曰此豪傑也胡以言之古未曾有筮金者亦無搏垞者亦無削楮採草造木凡者其始有之其天下豪傑也或古有其法中絕數千歲忽然有之其天下豪傑也今夫士適野無黨入城無相津無導朝無詔而讀二代

之語言文章而求其法弗爲之其無督責也矣而爲之其志力之橫以孤也有以異於曩之縱以孤者乎雖然夫士也問之意熹奈何曰吾之志力可以有金而淬之範金者弗吾逮也吾且大賢吾有坑而方員之有楮而績之有革而髹之有木几而雕鏤削治之瘡密瘡華瘡賢吾又大賢智者聞之則大聲暴訶之曰止夫橫者孤矣縱孤實難縱者益孤夫汝從而績之不難其止於乎龔子未得爲智者徒也然固習聞智者之言也里人曹生籀士也其所學其所處難與易之間適類乎是閱其孤識其豪傑不願其爲天下範金搏坑削楮採革造木几者嫺笑作縱難

臣里

臣與臣里相詆也臣里自察其語言其言曰夫畀之而榮喪之

定盦續集卷四

三

而辱升之九天而喜沈之九淵而愠吾圜行卑賤而以權予上亦貌委蛇而已矣吾中豈有是哉臣窺之食不忘瞽宗之牲坐不忘粟主之祝口銜而手勤不忘殊衣冠者之頌說已坐是得心疾臣詭之曰請徵子之客籍夫子之客籍有一世之名者有三世之名矣有三世之名者有十世之名矣夫喜而不春怒而不夏愁苦而不秋晦盲僂輕少而苟壯而脆老而穢黃帝之所謂痺民也者盡子之客也汝師保此名也矣三世耳相續三世目相續三世心知相續社鬼護之其爽十世水不濁火不燒雷霆不求其爽百世麟鳳狗不並續不知動類大也芝朮灌木不並續不知植類眾也珠玉黃鐘虎子威窸不並壽不知古器之歐痺民之言不與聖智之言並壽不知古名姓之博且吾聞周以前上涉結繩年多事少隸令栞令之箸錄不百家矣史佚仲

廬

尼司馬遷劉向之威靈竟弗庇之矣古之宗語言之鬼其哭於
鼎訴於天憑神於寫官契令崇誰氏之孫哉臣里乃詬臣曰汝
之言孤汝不祥人也臣應之曰百世爲縱一世爲橫臣孤於縱
不孤於橫臣媚於去馬來驢臣目盱睢臣不媚蠹魚且吾聞之
家身莫如定信道莫如篤觀古今莫如通篤以定通臣且受大
福乃又詬臣曰汝之術善給者也汝兒給言給出處給浮湛而
不任其勞彼司福之主其卒爲汝給於是臣無以應臣姑起其
疾昇焉勿榮喪焉勿辱升之九天勿喜沈之九淵勿愠汝之術
博矣何但取以待富貴之權藉者哉

廬之推

今有一人縗經一人絃歌一人和之以如喪者之側無恤無忌
發於其心而無僞雖無僞喪者甯無恨此人耶又有一人縗經

定盦續集卷四

三

一人助之號一人教之喪禮不盡發於其心而僞雖僞喪者甯
無感此人耶士之父母死志其未成之志竟其所有事之事疾
病寒暖飢餓必以告我孺子也人給我必以告我我中之親未
嘗一夕死者也天下之人曰不聞吾親之聲矣不見吾親之容
矣始死人來唁或助之號或教之喪禮或稱述德而慕思或聞
而震駭比其祥比其墓曾不能以一曠而言者弗震駭曰是死
久矣天之行莫速於是固然已矣宜然已矣人之變莫盛於是
是故人歿吾親也而哀人久吾親之歿也而益哀夫何爲其哀
也哀莫推也廬之禮必睦其隣富貴也多財以分之必僂歿者
之賜賤貧也薪負之筋力同之必僂吾親之力歲時日月上飲
食多樹之襍華莫廬一動舉悉本其故於歿者不使三月無聞
吾親之名則一方之民羣然奉吾親之家棺槨如方之小神如

廬

方之小神則言說於是心志於是耳目於是矣士侮述親之賜則必與鄰之幼稚子言之父老神吾親者歟則幼稚續且重先人之言如是則必沒吾躬及吾子孫矣是故士之父母歿春亦其春夏亦其夏秋冬亦其秋冬士之德盛者能知聖人聖人者合萬國之歡心以祀其先王大命必於廟其始升歌曰濟濟多士秉文之德而卒稱無斃於人以如將萬年焉由此其推也

捕蠅第一

龔自珍旣廬墓聖居於彼郊野魂飛飛以朝征魄悽悽而夕處百蟲謀之曰予可攻侮厥族有夫有小布滿人宇予告訴無所發書占之曰可以術捕禁制百蟲非罔非罟予嘗聽夫獵者之彈亦起於古之行孝者魑魅山林則職畏禹子禁制汝蟲皆法則上古岐山川邱墳而天神來下山川之祇問曰今者有蠅蠅

定盦續集卷四

詩

一名射工是性善忌人衣裳略有文采者輒忌忌不忌緩經能含沙射人影人不能見必反書之名字而後噬之捕之如何法用蔽景紳七莖自障蔽則蠅不見人景又用方諸取月中水洗眼着純墨衣則人反見蠅可趨入蠅羣趨入蠅羣則蠅眩瞽乃祝曰射工射工汝反吾名以害吾躬吾名甚正汝不得反攻射工射工速入吾胃中如是四徧蠅成烹其肝大吉述捕蠅第一

捕熊熊鴟鴞豺狼第二

邱墳之祇問曰今者有熊熊鴟鴞豺狼是性善悞必噬有恩者及仁柔者捕之如何法用敗絮牛皮僞爲人形手執銅具以示人恩中實以熾鐵咆哮來吞絮韋吞已熾鐵火起糜灼其心肝祝曰豺狼豺狼予恩汝不祥亦勿戰汝以剛色柔內剛誅汝肝腸汝卒咆哮以亡如是四徧則其種類皆殄絕吉述捕熊熊鴟

鷓鴣第二

捕狗蠅螞蟻蚤蟹蚊蚋第三

沮洳埳之祇問曰今有狗蠅螞蟻蚤蟹蚊蚋是皆無性聚散皆適然而朋嗜人使人憤耗治之如何法不得殄滅但用冰一杵置高屋上則蠅去又煉猛火自燒田則亂草不生亂草不生則無所依無所依則一切蟲去祝曰蚊蚋蚊蚋汝非欲來而朋來汝非欲往而朋往吾悲汝無肺腸速去吾終不汝殄傷如是四徧則不復至述捕狗蠅螞蟻蚤蟹蚊蚋第三

定盦續集卷四

重

